

სსიპ - ბათუმის ხელოვნების სასწავლო უნივერსიტეტი

ურთიერთთანამშრომლობის მემორანდუმი

ქ. ბათუმი

22 ნოემბერი, 2013 წელი

პრეამბულა

საქართველოში უმაღლესი განათლებისა და მეცნიერების სფეროში მიმდინარე რეფორმების ძირითადი პრინციპების, სახელოვნებო სწავლების, აკადემიური პროგრამების ხარისხის ამაღლების და პრაქტიკული განხორცილების მიზნით სსიპ - ბათუმის ხელოვნების სასწავლო უნივერსიტეტი და შ.კ.ს. ტელეკორპი 25 თანხმდებიან თანამშრომლობაზე შემოქმედებით და აკადემიურ საკითხებში.

ურთიერთთანამშრომლობა ხელს შეუწყობს:

- შემოქმედებითი, აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- სახელოვნებო საგანმანათლებლო აკადემიური პროგრამების ინტეგრირებას მასობრივი საინფორმაციო საშუალებების თანამედროვე მოთხოვნებთან სწავლის შედეგებისა და კომპეტენციების ჩარჩოს ფარგლებში;
- სატელევიზიო მიმართულების სპეციალისტთა მიერ კონსულტაციების, მასტერკლასებისა და სხვა სასწავლო პრაქტიკისა და შემოქმედებითი მუშაობის ჩატარებას;
- საშემსრულებლო სპეციალობის სტუდენტთა პროფესიული უნარ-ჩვევებისა და დონის ამაღლებას, ტელევიზიის წარმოების პრაქტიკული საფუძვლების გაცნობას;
- მაღალკვალიფიციური კადრების მომზადებასა და ინტეგრაციას ქართულ საზოგადოებაში.
- ცალკეულ მიმართულებებში ერთობლივი კულტურულ-შემოქმედებითი პროექტების მომზადებასა და განხორციელებას.

მუხლი 1

- 1.1. მხარეები აწარმოებენ შეთანხმებულ პოლიტიკას სახელოვნებო განათლებისათვის აუცილებელი რესურსების მოზიდვისა და სასწავლო-შემოქმედებითი სამუშაოების დაგეგმვისათვის ორმხრივი ინტერესების შესაბამისად.
- 1.2. თითოეული მხარის მნიშვნელოვან მატერიალურ-ტექნიკურ რესურსებს უნივერსიტეტების პროფესორები და სასწავლო-შემოქმედებითი პროექტებში ჩართული სტუდენტები გამოიყენებენ ურთიერთშეთანხმებით.
- 1.3. მხარეები გაუწევენ ერთმანეთს კონსულტაციებს სახელოვნებო უმაღლესი საგანმანათლებო პროგრამების ფარგლებში პროფესიული სტუდენტების, ბაკალავრებისა და მაგისტრანტების მომზადებაში. განახორციელებენ ერთობლივ სასწავლო-შემოქმედებით პროექტებს.
- 1.4. მონაწილეობას მიიღებენ სადიპლომო ნაშრომების ექსპერტიზაში.
- 1.5. მხარეები მონაწილეობას მიიღებენ საგანმანათლებლო პროგრამების შემუშავებაში (ინფორმაციის გაცვლა, მეთოდური დახმარება და სხვა.) აკადემიური პროგრამების სახელოვნებო პროფესიულ მოთხოვნებთან ადაპტაციის, დაახლოებისა და კომპეტენციების ჩამოყალიბების მიზნით.
- 1.6. საკუთარი კომპეტენციების ფარგლებში ხელს შეუწყობენ სახელოვნებო საგანმანათლებლო პროგრამების სტუდენტების პრაქტიკის გავლასა და კურსდამთავრებულთა სტაჟირებას.

მუხლი 2

- 2.1. წინამდებარე შეთანხმებაში თითოეულ მხარეს შეუძლია ცვლილებებისა და დამატებების შეთავაზება ურთიერთშეთანხმების საფუძველზე.
- 2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.
- 2.3. მხარეები აძლევენ ერთმანეთს გარანტიას, რომ ისინი უპირობოდ, სრულად და კეთილსინდისიერად შეასრულებენ წინამდებარე ხელშეკრულებით გათვალისწინებული ყველა პირობას.

მუხლი 3

- 3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციების და მოლაპარაკების გზით.
- 3.2. მემორანდუმი ძალაში შედის მხარეთა მიერ მისი ხელმოწერის დღიდან და მოუმდებარებს მხარეთა მიერ რაიმე სხვა გადაწყვეტილების მიღებამდე.
- 3.3. ურთიერთობათანამშრომლობის მემორანდუმი შედგენილია თანაბარი იურიდიული მაღლის მქონე ორ ეგზემპლარად, რომელთა თითო პირი გადაეცემა მხარეებს.

შპს ტელერაიო 25 -ის

აღმასრულებელი დირექტორი

სსიპ - ბათუმის ხელოვნების სასწავლო
უნივერსიტეტის რექტორი, პროფესორი

ბათუმი, ქ. თავაიშვილის ქ. № 61

ტელ: + 995 (422) 27 69 25

ელ. ფოსტა: info@tv25.ge

ვებ-გვერდი: www.tv25.ge

გ. სურმანიძე

ე. შესხია

ბათუმი, ლუკა ასათიანის ქ. № 37

ტელ: 593325796; 279895

ელ. ფოსტა: info@batu.edu.ge

ვებ-გვერდი: www.batu.edu.ge